



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Science, Higher Education and Youth

Broj: 27-11-17144/24  
Sarajevo, 28.03.2024. godine

Na osnovu člana 70. stav (1), (3) i (6) Zakona o javnim nabavkama Bosne i Hercegovine («Sl.glasnik BiH» br. 39/14 i 59/22), a na preporuku Komisije za javne nabavke iz Zapisnika o pregledu i ocjeni ponuda, broj: 27-05-11-154-3.3/24 od 25.03.2024.godine, ministrica Ministarstva za nauku, visoko obrazovanje i mlade Kantona Sarajevo **d o n o s i**

### **O D L U K U**

o izboru najpovoljnijeg ponuđača

1. Prihvata se ponuda ponuđača **BIROPLAN d.o.o. Tuzla**, sa sjedištem u ul. Krojčica br. 79. 75 000 Tuzla, ponuda broj: 27-11-8800/24 od 07.03.2024.godine, sa iznosom ponude od **34.976,00 KM** bez uračunatog PDV-a, **odnosno 40.921,92 KM sa uračunatim PDV-om** i dodjeljuje se ugovor za nabavku roba „*Nabavka IT opreme - AIO računari i laptopi*“ navedenom ponuđaču.
2. Ova Odluka objavit će se na web-stranici Ministarstva za nauku, visoko obrazovanje i mlade Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.
3. Obavezuje se izabrani ponuđač iz tačke 1. ove Odluke da u roku 5 (pet) dana od prijema Odluke o izboru najpovoljnijeg ponuđača dostavi orginale ili ovjerene fotokopije dokumenata traženih tačkom 3.1.4 tenderske dokumentacije
4. Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze ugovornih strana shodno zahtjevima ugovornog organa i odgovarajućim zakonskim propisima.

### **O b r a z l o ž e n j e**

Na osnovu Odluke o pokretanju postupka javne nabavke, broj: 27-05-11-154-3.1/24 od 12.02.2024. godine, Ministarstvo za nauku, visoko obrazovanje i mlade Kantona Sarajevo pokrenulo je konkurentski zahtjev za dostavu ponuda za javnu nabavku usluga „*Nabavka IT opreme - AIO računari i laptopi*“ za koje je objavljeno obavještenje na Portalu javnih nabavki, broj: **30903-7-1-1-3-3/24** od 16.02.2024. godine, i obavještenje u „Službenom glasniku BiH“, broj: 16/24 od 05.03.2024. godine.

Tenderskom dokumentacijom kao i obavještenjem o nabavci koje je objavljeno na Portalu javnih nabavki, Ministarstvo za nauku, visoko obrazovanje i mlade Kantona Sarajevo propisalo je da rok za dostavu ponuda ističe 07.03.2024. godine u 12<sup>00</sup> sati.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-029  
Web: <http://mon.ks.gov.ba>, E-mail: [info@mon.ks.gov.ba](mailto:info@mon.ks.gov.ba)

1/5

Shodno navedenom zapisniku sa otvaranja ponuda, Komisija je konstatovala da su u roku za dostavu ponuda pristigle sljedeće ponude:

1. 27-11-7507/24 EMADO DOO od 04.03.2024. godine
2. 27-11-8784/24 PR MEDIA MARKET od 07.03.2024. godine
3. 27-11-8800/24 BIROPLAN DOO od 07.03.2024. godine
4. 27-11-8806/24 KM TRADE DOO od 07.03.2024. godine
5. 27-11-8876/24 ARTCO GROUP DOO od 07.03.2024. godine
6. 27-11-8882/24 R&S DOO od 07.03.2024. godine

Komisija je također konstatovala da nije bilo neblagovremeno pristiglih ponuda.

Nakon izvršenog javnog otvaranja ponuda, Komisija je na zatvorenoj sjednici, održanoj dana 21.03.2024. godine sa početkom u 16<sup>20</sup> sati, pristupila analizi dokumentacije priloženoj uz ponude, u smislu provjere njene validnosti s obzirom na iskazane zahtjeve ugovornog organa, odnosno vrednovanju i evaluaciji ponuda, sve u skladu sa procedurama i pravilima utvrđenim tenderskom dokumentacijom, Zakonom o javnim nabavkama i pripadajućim podzakonskim aktima.

Pregledom priložene dokumentacije uz ponudu i suštinskom provjerom sadržaja i validnosti iste, Komisija je utvrdila da su ponude ponuđača:

1. **BIROPLAN d.o.o. Tuzla**, sa sjedištem u ul. Krojčica br. 79, 75000 Tuzla, ponuda broj: 27-11-8800/24 od 07.03.2024. godine, sa iznosom ponude od **34.976,00 KM** bez uračunatog PDV-a,
2. **R&S d.o.o. Sarajevo** sa sjedištem u ul. Igmanska bb, 71320 Vogošća, ponuda broj: 27-11-8882/24 od 07.03.2024. godine, sa iznosom ponude od 35.000,00 KM bez uračunatog PDV-a,
3. **ARTCO GROUP d.o.o. Sarajevo**, sa sjedištem u ul. Marka Marulića 2, 71000 Sarajevo, ponuda broj: 27-11-8876/24 od 07.03.2024. godine, sa iznosom ponude od 35.000,00 KM bez uračunatog PDV-a.

**prihvatljive**, odnosno da ispunjavaju formalno-pravne, tehničke i ekonomske uslove iz tenderske dokumentacije i mogu biti predmet vrednovanja prema kriteriju „najniže cijene“ kako je to propisano tenderskom dokumentacijom.

Pregledom priložene dokumentacije uz ponude i suštinskom provjerom sadržaja i validnosti iste, Komisija je utvrdila da je ponuda ponuđača:

1. **EMADO DOO Sarajevo**, sa sjedištem u ul. Azize Šaćirbegovića 112, 71000 Sarajevo, ponuda broj: 27-11-7507/24 od 07.03.2024.godine, sa iznosom ponude od **34.800,00 KM** bez uračunatog PDV-a,

**neprihvatljiva**, odnosno ponuda ne ispunjava formalno pravne zahtjeve iz tenderske dokumentacije, a u skladu sa tačkom 2.3 Tehničke specifikacije predmeta nabavke, jer je u ručno pisanoj formi tehničke specifikacije za AIO računare, ponuđač izostavio u opisu tehničke specifikacije sljedeće: za „Audio“ komponentu nije naveo jačinu zvučnika od 2 W, koja je tražena u TD, za „Webcam“ nije naveo opciju sakrivanja po potrebi, za „Tastaturu“ izostavio je sve iz opisa zahtjeva, za „Miš“ izostavio je sve iz opisa zahtjeva, za „Operativni sistem“ nije naveo traženu jačina od 64 bita, za „Portove sa strana“ nije naveo brzinu od 10



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-029  
Web: <http://mon.ks.gov.ba>, E-mail: [info@mon.ks.gov.ba](mailto:info@mon.ks.gov.ba)

2/5

Gbps, nije naveo za USB vrstu - gen2 kako je traženo u TD, za „Portove nazad“ nije naveo brzinu porta RJ-45, kao ni vrstu USB porta (Type-A port) i nije naveo sve komponente koje se odnose na opis zahtjeva za „Sigurnost“. Obzirom na sve gore navedeno, dostavljena ponuda ne može biti predmet vrednovanja, kako je to

propisano tenderskom dokumentacijom. Daljim uvidom u dostavljenu dokumentaciju, Komisija je nesporno utvrdila da je u ponudi imenovanog ponuđača na stranicama numerisanim rednim brojevima 10 i 11 dostavljena printana forma tehničke specifikacije, koja je data u prilogu tenderske dokumentacije, a koju je ponuđač potpisao i ovjerio pečatom. Međutim, ponuđač je dostavio pored printane tehničke specifikacije i ručno prepisanu formu tehničke specifikacije, u kojoj su nedostajali elementi kako je gore navedeno, iz čega proizilazi da ponuda nije dostavljena na način kako je to ugovorni organ precizirao tenderskom dokumentacijom u pogledu sadržaja tehničke specifikacije iz priloga TD.

2. **PR MEDIA MARKET Prijedor**, sa sjedištem u ul. Miloša Obrenovića bb, 79101 Prijedor ponuda broj: 27-11-8784/24 od 07.03.2024.godine, sa iznosom ponude od **34.800,00 KM** bez uračunatog PDV-a,

**neprihvatljiva**, odnosno ponuda ne ispunjava formalno pravne zahtjeve iz tenderske dokumentacije, a u skladu sa tačkom 2.3 Tehničke specifikacije predmeta nabavke, jer je u ručno pisanoj formi tehničke specifikacije za AIO računare, izostavio za „Portove sa strane“ komponentu iz opisa tehničke specifikacije 1x combo audio jack. Obzirom da je u opisu tehničke specifikacije navedena komponenta tražena, ista ne može biti predmet vrednovanja, kako je to propisano tenderskom dokumentacijom. Daljim uvidom u dostavljenu dokumentaciju Komisija je nesporno utvrdila da je u ponudi imenovanog ponuđača na stranicama numerisanim rednim brojevima 5. i 6. dostavljena printana forma tehničke specifikacije, koja je data u prilogu tenderske dokumentacije, a koju je ponuđač potpisao i ovjerio pečatom. Međutim, ponuđač je dostavio pored ovjerene printane tehničke specifikacije i ručno prepisanu formu tehničke specifikacije, bez novodenja jedne komponente koja je tražena „Portove sa strane“, iz čega proizilazi, da ponuda nije dostavljena na način kako je to ugovorni organ precizirao tenderskom dokumentacijom, a u pogledu sadržaja tehničke specifikacije iz priloga TD.

3. **KM TRADE d.o.o. Visoko**, sa sjedištem u ul. Čaršijska bb, 71300 Visoko ponuda broj: 27-11-8806/24 od 07.03.2024.godine, sa iznosom ponude od **35.000,00 KM** bez uračunatog PDV-a,

**neprihvatljiva**, odnosno ponuda ne ispunjava formalno pravne zahtjeve iz tenderske dokumentacije, na način da ponuđač nije dostavio potpisanu i ovjerenu Izjavu o ispunjenosti uslova iz člana 47. stav (1) tačka od a) do d) i stav (4) Zakona o javnim nabavkama („Službeni glasnik BiH“, broj: 39/14 i 59/22) od strane ponuđača/kandidata i ne može biti predmet vrednovanja, kako je to propisano tenderskom dokumentacijom. Komisija je nesporno utvrdila da je u ponudi imenovanog ponuđača na stranici numerisanoj rednim brojem 11. dostavljena uredno popunjena izjava, ali koja nije potpisana i ovjerena od strane ponuđača, iz čega proizilazi da ponuda nije dostavljena na način kako je to ugovorni organ precizirao tenderskom dokumentacijom.

E -aukcija je zakazana za **25.03.2024. godine u 10:00 sati**



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-029  
Web: <http://mon.ks.gov.ba>, E-mail: [info@mon.ks.gov.ba](mailto:info@mon.ks.gov.ba)

3/5

**Početna rang lista ponuđača koji su pozvani da učestvuju u E-aukciji:**

Red.br.	Naziv ponuđača	Početna cijena u KM bez PDV-a	Rang
1	Biroplan d.o.o. Tuzla	34976,00	1
2	R&S d.o.o. Sarajevo	35000,00	2
3	ARTCO GROUP	35000,00	2

**Konačna rang lista ponuđača koji su učestvovali u E-aukciji**

Red.br.	Naziv ponuđača	Početna cijena u KM bez PDV-a	Umanjenje cijene	Rang
1	Biroplan d.o.o. Tuzla	<b>34976,00</b>	0%	1
2	R&S d.o.o. Sarajevo	<b>35000,00</b>	0%	2
3	ARTCO GROUP	<b>35000,00</b>	0%	2

Polazeći od gore navedenih činjenica, a na osnovu utvrđenog kriterija za vrednovanje ponuda „najniža cijena“, a nakon provedene E-aukcije, Komisija shodno odredbama Zakona o javnim nabavkama i općim aktima ugovornog organa, uspostavlja rang listu prihvatljivih ponuda, a kako slijedi:

1. **BIROPLAN d.o.o. Tuzla**, sa sjedištem u ul. Krojčica br.79 75000 Tuzla, ponuda broj: 27-11-8800/24 od 07.03.2024. godine, sa iznosom ponude od **34.976,00** KM bez uračunatog PDV-a,
2. **R&S d.o.o. Sarajevo** sa sjedištem u ul. Igmanska bb, 71320 Vogošća, ponuda broj: 27-11-8882/24 od 07.03.2024. godine, sa iznosom ponude od 35.000,00 KM bez uračunatog PDV-a,
3. **ARTCO GROUP d.o.o. Sarajevo**, sa sjedištem u ul. Marka Marulića 2, 71000 Sarajevo, ponuda broj: 27-11-8876/24 od 07.03.2024. godine, sa iznosom ponude od 35.000,00 KM bez uračunatog PDV-a.

Cijeneći navedenu rang listu, Komisija je dala preporuku Ministrici da shodno članu 70. stav (1) Zakona o javnim nabavkama donese:

**Odluku o izboru najpovoljnijeg ponuđača** i ugovor za nabavku roba „Nabavka IT opreme - AIO računari i laptopi“ dodjeli ponuđaču **BIROPLAN d.o.o. Tuzla**, sa sjedištem u ul. Krojčica br.79, 75000 Tuzla, ponuda broj: 27-11-8800/24 od 07.03.2024.godine, sa iznosom ponude od **34.976,00** KM bez uračunatog PDV-a.

U postupku je utvrđeno da je izbor najpovoljnijeg ponuđača izvršen u skladu sa odredbama Zakona o javnim nabavkama BiH i pripadajućim podzonskim aktima, te je prihvaćena preporuka Komisije za provođenje javne nabavke i donesena odluka kao u dispozitivu.



**POUKA O PRAVNOM LIJEKU:** Protiv ove Odluke svaki od ponuđača može izjaviti žalbu Uredu za razmatranje žalbi **putem Ugovornog organa**. Žalba se izjavljuje ugovornom organu u pisanoj formi, putem Protokola ugovornog organa ili preporučenom poštom, u roku od 5 (pet) dana od dana prijema ove Odluke o izboru najpovoljnijeg ponuđača. Žalba se podnosi u najmanje 3 (tri) primjerka. **Naknada za pokretanje žalbenog postupka iznosi 500,00 KM i podnosi se Uredu za razmatranje žalbi**, a u skladu sa Instrukcijom o načinu uplate, kontrole i povrata taksi Ministarstva finansija i trezora BiH.



Dostaviti:

1. EMADO DOO - e-mailom;
2. PR MEDIA MARKET e-mailom;
3. BIROPLAN DOO e-mailom;
4. KM TRADE DOO e-mailom;
5. ARTCO GROUP DOO e-mailom;
6. R&S DOO e-mailom.
7. Arhiva.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-029  
Web: <http://mon.ks.gov.ba>, E-mail: [info@mon.ks.gov.ba](mailto:info@mon.ks.gov.ba)

5/5